



## ÇHÉS DRAULES D'OSEAS...

**M**àe, qu'o dessit Talebot, vu qu'en muntre v'avéz que daus mé-nijhàus de voure o vént daus prlénjhàus, daus dépujhàus de voure o vént daus sénajhàus, daus cunséjhàus de voure o vént daus maerjhàus, é daus votajhàus de voure o vént daus élujhàus, i veràe Bén savér de lavoure qu'o vént çhés oseas trtouts.

Qu'o répounit Tribard, ol ét rén que daus oseas qui passant, qui venant d'allour, d'in endrét grand é marvellous. Den l'en-su, le le noumant Pén-Pardu, dau coutai de la soulére, é den le debas, vér la galérne, le le noumant Bén-Assit. De çhés deùs endréts, ol en vént tant qu'a la boune annàie.

Çhés élujhàus venant, le laessant leurs père é mère, leurs amis trtouts é tot leur pa-

rentajhe. La manére, o se fét coume itàu. Coume den çhés leùs ol at réde grous de jhènes élujhàus, sultout daus males é çhauques fuméles, é que le savant que den l'île Française ol at in soulas de vieùs dépujhàus qui sant pr viràe au bout, ou Bén in prlégant qu'at fini sun tall, ol en arive daus mouàies é daus mouàies. Le savant qu'en çhéle Ile Française ol at daus grands coulunbàes plléns de boullites, Bén pllacràies de bore é de dumét, voure çhélés qui s'y calant avant leurs pates Bén au chàud.

Qu'o dessit Talebot, ol ét le coulunbàe de Matignun é chàud de l'Élisae, ét ou pa ?

Màe, i di Alesae é Maulignou, qu'o répounit Tribard. Pasque le sant trjhou a émouvàe lés ales, a lés metre en-su, çhéle de dréte ac le dét drét voutre goule, çhéle de gàuche ac le poént sarayai en-su, é peù sultout sultout, le débagoulant qu'ol at rén lés araetàe, rén pr lour faere tapàe la goule, l'avant jha le lignou i ve z-ou dit. Ol en fét daus cénc sous de gavagnais, i me doute...

O fàut qu'i ve dise core que



Calende fét pr la Réjhiun Poetou-Chérentes

<b>Den çhau limérot :</b>	
Çhés draules d'oseas...	1/2
Fàut jha se trunpàe...	2
Ol at sot é sot...	3
Le bun Dieù z-ou veùt...	4-5
Lés entrveyus (quasi) émajhinaeres...	6
Jhorjhét prent sun sac...	6
Vessàe pu hàut que...	6
Dire « sia » de bae daus façuns...	7
Bourié de Nàu...	7
Micha au Chatea...	8

## Chés draules d'oseas...

(site de la pajhe 1)

d'âutrecop le veniant a cha sét ans. Avoure, le décidirant entr yeùs qu'o serét a cha cénc ans.

Qu'o dessit Talebot, ol ét le goutume cuntraere a l'éstituciun, quoure le fasant la votaciun de la Rousére, coume o z-ou grafigne Paidechebre. Ol ét réde défendu a çhéle parçounerie de faere ine votaciun pr ine draullére qu'arét oghut dau vrim den soun aeme, daus évrains ou bén qu'a serét sujhète biscaye.

Mé, qu'o dessit core Talebot, in cop que l'avant fét lour volaie enhusque den l'Ile Française, le revenant jhamae pu den le monde que le sirant pounus ?

Çhouques yins. É ol ét grande ziraciun pr yeùs, qu'o répounit Tribard, pasque den çhés coulunbâes, ol at jha daus pllaces pr trtouts. É pr lés aver çhés pllaces, ol en at de çhés pllumâies. Ol ét jha rale de trouvâe in pilot de plume pr dare ine palisse. Ét ou yin qui sit pllumai ou bén yin qui se déplumit pr chanjhâe de pllumes...

L'avét rén que dit çhés mouts qu'a ras yeùs vénghirant volinâe ine mouaie de chés

### Prdéque jhanvrâe se revenjhit daus oseas ?

D'autre cop, jhanvrâe étét jha ghère fréd é durét que vént-neù jhors. Lés oseas se moquant de li : « - O jhanviou, jhanviou, M'as pa fét réstâe la crote au çhiou ! » Pr se revenjhâe, jhanvrâe prnit deùs jhors a fevrâe é o se metit de faere grand fréd, lés oseas réstrirant lapais s'en branches. Dau dépeus le s'en velant grous de s'avér mocal de li...



élujhâus qu'aviant core jhamae veghu l'Ile Française. Lours pllumes chanjhiant de coulours a cha moument, a cha cop que le débadiant. É le se metirant de chantâe, putout de carcassâe. O n-étét in bea jhabrall, le veliant trtouts badâe la goule d'in cop. I nous entendiu pu...

É voure qu'a sant lours fumèles, qu'o demandit Talebot.

Le n'avant jha. O n'at çhouques yines mé qui sant jha acoullâies é lés males lour laessant ghère de pllace su le jhouc, qu'o répounit Tribard.

Coument se fét ou, qu'o dessit Talebot ?

Ol ét den çhéle espèce d'oseas, qu'o répounit Tribard. É si le venant vér nousâutres, ol ét pr vere si l'alant jha couneûtre den màe ou bén den vous, ine grande espèce de jhâus pr dire que le sant de çhou maeme monde... Le travaillant jha a n-in métâe, inun. Lour grande échupaciun, ol ét débâgoulâe.

Mé, qu'o dessit Talebot, i vé tote ine mouaie d'ine àutre espèce d'oseas é, lae, lés males é lés fumèles, ol ét tot coublle.

A ! qu'o reprnit Tribard, çheù, ol ét ine espèce qui voline, viroune, viritorne entour lés àutres. É le pu pire, ol ét de lés entendre répounâe à trtouts de ce que lés àutres disant. Ol ét in de çhés charivaris. Ol ét lequâu qui serat le mae auprès d'in ménijhâu, qu'entenrat le meù chantâe in dépujhâu, qui ferat la pu béle chançon su çhâu qui veût venir prlénjhâu. Fâut entendre çhou chafrae !

Qu'o dessit Talebot, o veût dire que lés pmâes avant besén daus àutres, é que lés àutres pevant pa vivâe sen lés pmâes... ol ét in petit coume lés pedaches...


Çheù, qu'o dessit Tribard, ol ét la vie que menant çhés

deùs espèces d'oseas quoure ol ét qués-ciun de remuajhe den in de çhés coulunbâes. Ol ét que volâies de pllumes, éjhéfrâies, bechâies de dréte é de gâuche, cops d'ardelluns, é coume ol ét pa assé, lés àutres z-ou reprnant é ol ét coume pate en mét, o gunfle pr tràes fés rén... I sun pa core a la prime...

Chebrét

### Prdéque le çhen-çhen at çhéle coulour é deùs pllumes frisaies sou la coue ?

Quoure le monde étét pa core fini ol avét pa core le feu su la taere, le çhen-çhen se décidit de se nalâe trchâe çhâu qu'étét den le ciâu. Quoure le l'oghit trouvai, le dévalit en tenant çhou feu entr sés pates. Ol ét de maeme que daus dépeus sés pllumes paraessant roufinâies é que sou sa coue, o n'at deùs qui réstrirant aripoulâies.



## O FÂUT JHA SE TRUNPÂE

Lés éléfants se revenjhant. Aprâe aver veyu daus soulas d'éléfants a mouceas, ébrçais pr daus chaceraudours pr prendre lours grandes godèles en ivère, o fâut jha s'en étounâe.

Ol at çhouques temps de çheù, dau coutai de la bise, den l'Énde, ine dousaene de çhés baetiâus sauvajhes se jhitirant su daus buchours qui foutiant daus abres a bas. Le fêti : quatre morts. O fâut dire que mae o vat, mae lés oumes gagnant su les téréns voure que çhés paures chéties bêtes vivant pllanchement... A fine force o perét bén se faere que l'oume gagne pu a tots cops...

Jh-Jh.